

«ԱՆԱՀԻՏ»Ի ԲԱԺԱՆՈՐՈՒՆԵՐՈՒՆ

Անահիտի 1948ի երկրորդ թիւը եւ 1949ի առաջին թիւը այսօր միասին հրատարակ կը հանեմ: Երեւման քաւական երկար ընդհատումին, զոր այս թերթն ունեցաւ, պատճառները մէկէ աւելի են: Մեր ընթերցողներէն շատեր կը գանգատէին ատենէ մը ի վեր այս հանդէսին ամէն մէկ թիւին մէջ Անահիտի հիմնադրին Բրոնիկը չգտնելուն համար: Այս թերթին իւրաքանչիւր թիւին մէջ Բրոնիկ մը դնելու եւ այս ձեւով օրուան կարեւորագոյն հարցերուն վրայ իմ տեսութիւններս բանաձեւելու փափաքը ես ինքս ալ ունիմ, բայց բազմաձեւ ու մշտատեւ հանրային գործունէութիւնը զոր հայրենակիցներու վստահութիւնը ինծի պարտադրած է, թոյլ չէ տուած որ թերթին ամէն մէկ թիւին մէջ այդ փափաքս դնեցնեմ: Ժ. Խարուան երկրորդ թիւը տպուած էր քանի մը ամիս առաջ, բայց հրատարակ չհասցի, որովհետեւ Բրոնիկը կը պահսէր անոր սէջ: Բրոնիկը զոր շարագրեցի ներկայ թիւին համար այնքան ընդարձակ եղաւ որ ստիպուեցայ անոր մէկ մասը միայն հրատարակել այս թիւին մէջ եւ մնացեալ մասը յետաձգել յաջորդ թիւին, որ կը յուսամ թէ պիտի կարենայ լոյս տեսնել յառաջիկայ նոյնմբերին:

Անահիտի թիւերուն երեւման յապաղումին մէկ ուրիշ պատճառն ալ, — ինչո՞ւ ծածկել, — նիւթական դժուարութիւններն են: Բազմաթիւ են այն բաժանորդները որոնք քանի մը տարիէ ի վեր Անահիտն ստանալով հանդերձ, չեն վճարած իրենց բաժնեգիւնները, մինչ թուղթ, տպագրութիւն եւ առաքում մեծապէս սղած են այս վերջին տարիներուն:

Կը խնդրեմ Անահիտի բաժանորդներէն որ հաճին իրենց անվճար մնացած բաժնեգիւնները ինչքան կարելի է շուտ ինծի հասցնել՝ ուղղակի կամ այս թերթի գործակալներուն միջոցով:

Անահիտի բաժանորդներուն ստուարագոյն մասը կը գտնուի Ֆրանսայի եւ Միացեալ Նահանգաց մէջ: Ֆրանսայի համար ունիմ որոշ դիւրութիւններ գանձման. Ամերիկայի բաժանորդներէն կը խնդրեմ որ փութան իրենց պարտական եղած բաժնեգիւնները յանձնել այս թերթի գործակալներուն եւ կամ գանձեք զրկեն կամ յանձնեն Հայ. Բարեգործ. Ընդհ. Միութեան Կեդր. Գրասենեակի վարիչ-տնօրէն Պ. Գրիգոր Կիրակոսեանին որ Անահիտին համար իրեն յանձնուած գումարները ամենայն արագութեամբ ինծի կը հասցնէ:

Անոնք որ չեն ուզեր բաժանորդ մնալ, կը խնդրեմ որ հաճին այս երկու թիւերը ինծի ետ դարձնել: